

和書門			
類	二六四三	函	一〇七
架	一〇五	冊	一〇五

內閣文庫			
和書類	二六四三	冊	一〇五
函架	一〇五	冊	一〇五

內閣文庫	
番號	和 26143
冊數	105 (97)
函號	205 161



我鳥峰先生林學士詩集卷第百

東明集十五

延寶二年正月

甲寅元日立春

十幹從頭甲曆開
一春立脚斗杓回
東方君子虎隨
歲傍見土牛當日來

又口號

五十七回頑蠢翁
春風吹煦養微躬
梅窓學子易成猶
晚齡及文公未啓蒙

和直民歲日三絶韻

淺草文庫

一聲喚起隔窓聽品物知時皆只寧和氣無私春坐
了儒風何必限光庭

恩餘殘瀝御前觴一襲春衣帶暖光清矣官梅花
潤屋富榮何待牡丹芳

和姪憲歲旦律詩韻

送寒陰氣除迎得暖陽舒雪宿豐年瑞雲連充棟書
朝吟聲答鳥夜讀眼如魚不被風光動春心自靜虛

和高安成元旦韻

忍岡塾畔構荆扉待旦雞鳴燈影微馴我黃鶯春幾

度好音恰恰不分飛

和林欝元旦韻

春入梅窓黃鳥窺晤呷日永解群疑士衡作賦年相
若規祝文壇進步時橫今年二十故及此

和島周元旦韻

池面風温魚負氷文房呵筆試才能窓含殘雪鸚鳴
柳聞見如同杜少陵

和堅元旦韻

陽春舉脚九州同習習谷風來自東四友今朝添得

一毛陶陳楮又黃公

和安悅元旦韻

春至可尋花裡師敷于隨例後前危蟲魚鳥獸名多

識本草窺者亦為詩悅好讀本冊故三四及此

和江滴元旦韻

筆下春風入石泓塾中並膝遇新正隨聞隨見皆同

樣喜色歡聲花又鶯

和谷成元旦韻

雪消水解暖風來春色無邊耶馬臺千里故山將問

信一枝梅葉向南開

和村喬元旦韻

一夜和風淑氣催彩霞色舉海東萊出幽黃鳥相攸

否宿處先尋寄託梅

和吉坦元旦韻

窓曙雲霞帶淑光地夫交泰是三陽池塘芳草先吟

取添得鳴禽憶謝堂

和山成元旦韻

見說千門松作棚試春滴墨入龍泓和風吹吻草根

動紅申緝芽欲發生

和森默元旦韻

客舍逢春韶景鍾嫩梅添色映青松雪滿河經波千

里附尾攀鱗南海龍

和施定元旦韻

四嶺雪殘書案前瞳瞳遲日彩霞連九旬春色鳥過

自努力無憑少壯年

和原清元旦韻

回首韶光改觀來水推為屑雪為埃春風千里駒相

並宜著一鞭俱試才

和小出達元旦韻

遠望富嶺近臨池吟得陽春一曲詞待見學苗宜秀

出幸逢草木動萌時

和淺益元旦韻

仰見江山遲日天祥雲端靄共相連晤晤勿懈待其

進弱寇今猶少一年

和津宗哲元旦韻

迎歲爭禁遠客情梅牕相對楮陳泓春光千里一同

様雲自淡分風自輕

和木忠重元旦韻

淑氣和風宿雪晴若而人遇孟陬正新年新景得新
句陽燄烟霞梅柳鶯

和本玄了元旦韻

辛盤隨例菓肴新酸味梅諸先濕唇黃鳥黃金色相
似東風想像奧州春

和平正貞元旦韻

勵志將馳翰墨場黃鸝一曲勸詞章梅桃李杏花相

次從是信風吟賞長

和柳秀重元旦韻

片片烟霞千里天春風滿目淑光鮮鶯吟燕語有新
得定識今年勝去年

和松直秀元旦韻

海外波平潮寄音他鄉春色伴鶯吟東風若遇尋花
客遠近烟霞相共對

和關祐甫元旦韻

造化何求散色真梅花微笑柳將勻和風不隔四壁

春風集 卷第 五
裡暮壽晨霞一樣春

和佐成允元旦韻

再到塾中欣遇春學意温故又知新園林日永歌聽處鶯鳴蒙求燕誦論

和宅良朴元旦韻

東風遍至萬千家窓曙雲霞映日華歲歲年年春色尋師初見杏壇花

和直三元旦韻

和風驚蟄穉蟲啼蜂蝶尋花路不迷曾見浮萍寄西

海今吟芳草動東溪

和馬守安元旦韻

身侍學窓前眼者瑞靄連一聲鶯喚起勿謂有明年

和水友生元旦韻

昭回遲日天一抹片霞連丁馬前程遠紙毫遇改年

和岡允元旦韻

若徒逢吉辰學海欲尋津把筆寫梅宇翻鴉楮國春

和石賴尚元旦韻

童子向春華遠望千里霞曾遊今記得竹馬遶群花

右鳥安成以下二十九人常在
塾中但此外交以仙依病在家

和賀璋元旦韻

早梅一朵信風先殘雪分光
綳繚編數尺遊絲難得
絳白駒陰隙執義鞭

和村顧言元旦韻

春遊非蝶又非莊滿簡和風入
智囊嶺雪殘光短檠
影杜詩韓筆盛中唐

和仲龍元旦韻

無邊韶景悉皆新不隔山岡
與野濱水解風温送陰

氣鳥啼花綻識陽春養而竭
孝七旬老仕以扶孤十
歲辛一詠一觴相共賞團
樂樂樂又親親

和三復元旦韻

春風隨意不支吾有鳥有花
為友于雪似白圭殘未

玷一言三復姓名呼

三四句改作萬物靜觀皆
仲青三歎餘美七嗚呼

和石貞元旦韻

近濃遠淡海東霞一盞一甌
新味加三歲行藏春色
別自家入塾又歸家

右五人雖異者然為塾生列此外石
習病不修詩田植在若州林泰在西肥

和坂伯立歲旦韻

一曲黃鸝暖響高新年知味酌春醪雲盞烟幅花如
畫滿簡和風起彩毫

和伯即甲寅歲旦賀舊臘產男子

鶯唱歡聲先入詩團圓和氣一家宜呱呱暫得年牛
乳新嘯春風養虎兒

以上四十二首自
雞日至牛日之作

人日夜雪至穀日未消賦仄體四韻

迎年七日過雪濺白髮沐應是新春祥莫做舊臘宿

幽鶯出谷遲遺蝗入地伏昨夜人骨清今朝祈穀熟

延寶甲寅正月十日忍岡塾會賦二題

鳥語催春

鳥亦豈無心知時自好音傍花先奏笛鳴柳始彈琴
添得唔伴響和酬遊子吟東風遲日暖百轉待春深

筆涌江山

深可量分重可扛縱橫文字勢無雙高才筆健詞源
涌韓仰泰山蘇倒江

正月梨花上元姪憲席

分映上元朧月春王梨溶淡更清新枝頭臘雪未消
盡花似唐園白髮人

鶯無定曲 同席

問鶯何故奏新曲鶯曰迎春唱祝詞和樂妻孥代琴
瑟孔懷伯仲弄塙篪誰言鼓吹當蛙部我調律同諧
鳳儀恰恰好音風上下自然無習又無師

雪後餘寒喫小白魚羹作仄體四韻示伴食人
乃是吉田城主所惠也

吉田城主問安否小鮮盛籠附來使滿盤疑是淘浪

沙技金恰似煮雪水水魚消暑事既陳白鮓忘寒味
殊肯透喉啜啜温飽休真成陽春生皮裏

園柳垂絲 藤勿齋席探題

天工物色奇染出麴塵絲風度亂長縷烟輕裊細枝
亞夫管下縮元亮宅邊垂唯見鶯為梭柳織成衣被誰

此詩雖不協心即
席不遑改作之

送金地院主

金地院寬長老舊冬蒙鈞命荷僧錄司之任今
春賜官暇飛錫於南禪鞏寺自改鹿苑移此院

四世連續鉅叢之秀於是為榮也我家執方外之
交既及累葉是行不可不色乃呈絕句一章於貌
座云爾時維甲寅正月也

恩露不乾官柳風錄司奕世舊規同烟霞千里春山
紫洛社花開待主翁

抱獨聽雨

遮莫群居遊樂耽夜闌人定雨同參階前滴滴隔窓
語書對孤燈友是三

甲寅孟春殿中監源君忠房在西肥寄元日倭

歌隨初摘其末字遙寄呈焉

千里東隅曙白圓三年西海浪花開竹斯國裡莫言
遠一筆春風潮信來

顯考十八回忌 正月二十三日

祠堂致祭瓣香薰十八年光不遏雲風外春聲金主
響音花言鳥語亦遺文

正月二十六日終日雪仲龍侍而筆孟子諺解
逮夜不休口占一絕示之

漸積成堆鹽虎桓手龜筆戰卷猶攤凍雲遮却土峰

色孟子巖巖白雪寒

雪中記事五百言 正月廿六日

舊臘不見雪今春既三白維其前二度危危早消釋
殊敬焉孟春季堆堆朝至夕講帷聽者聚門前將盈天
子姪携一卽尋訪友人宅有約耶乘興想像剡溪昔
盍思泥路艱無奈騷雅癖向上士峰頭林鷗失素融
直下前池涯彷彿銀沙積比屋皆著粉玉繩張街陌
吾儕老懶出擁爐灸腹脊握卷解孟子俊諺似鞆譯
晚炊一飽足麤茶風雨腋室人告湯沸浴了餘寒卻

復座開障子清景見不斲墩上埋茅篠庭砌沒頑石
一條縞帶牽凹凸印襪迹或相並作雙或斜連為隻
問者誰為之戲笑不及責自首二三童模糊底不
何訝瓊瑤碎却奇似卦畫居僻人蹤絕岡高無俗客
日暮群動定孤燈伴方冊諺解猶自若過井葉葉積
孰中少年輩淨書管代搨皚皚落地影霏霏透簾隙
綿衣如潑水威稜嚴侵席我生元小戶不欲喚歡伯
厨人提一金餅羹暖胸鬲我生元鄙野不好嗅沉麝
熾炭撥冷灰烏帽裹頭額憐殺東郭生我足有兩烏

吟笑陳后山我身襲綃帛銀海眩生翳畫手筆未擲
園中竹半折梅葉返靈魄柳腰裊不神清操老松柏
宿鳥翼凍合檐瓦色改革四壁撲飛蟲破窓俄抹墨
人言冬又來底事氣候逆我言春皇瑞不換連城壁
昌黎詩難做魯直句欲摘夜闌我子歸對話淡油碧
自是天性愛待久半日隔先問成何遊鼎聯肩相拍
五字看韻險唱答古語據喜不會損友同志交情適
歸程不爲近吹面花狼藉聞人勞開門鞋穿奴僕踏
無月夜如晝多却籠燈赫鐘響談未了三更入臥簣

雪水煎茶歌

正月廿七日

雪滿垣牆積瓊塵盛盆捧來如鋪銀手掬丸丸枚金
裡石爐貯火火傳薪雪解爲水火漸熾餘寒忽退自
坐春茶囊合煎聲盈耳松風颯颯車麟麟沸則魚鱉
眼並出髮髯漣漪湛而越斯水無源又無派不濁不
汚自天真井華谷流皆勞力汲江派湘置不論小勺
試嘗滌煩了透喉灑胸潤全身斯味易牙未能識絕
勝美酒最清醇盧歌陸經可補闕欲誇陶穀問又新
何求壑源包貢來又非北焙風烟回神仙之遊亦虛

誕畢竟不信到蓬萊在他唐宋異域產空海榮西亦
 彼哉閑却本非从優劣可笑百服高會催梅尾宇縣
 去此遠麤品豈其名園栽我有家業勵微志聞名可
 羨瑞草魁孫氏廳影今猶古淨几對爐囊映開讀過通
 鑑梁武篇一筆一飲警懶眠疑義雖如雪水解高處
 猶見水箸懸碗碗啜啜五六七字字累累百又千道
 腴茶味飽不休檐滴點點墨痕鮮作詩皆言豐年瑞
 出處可校毛鄭箋爐有水火既濟象離中斷與坎中
 連維春大雪奈書法麟經几創阿誰傳金水不乾茶

不盡腹筒便便遶孝先

題五壯詩卷後

五言絕句百首合二十十字

林憲二十一伯庸三十六賀瑋三十三村顧
 言二十八仲龍三十五年龜命一首五十三
 貳十同并貳千字五人一百五十三洛中九老減其
 四不會耆英會壯男正月二十八日

誦雪後三十題置各題於句頭併為一篇以書
 其尾而返詩卷於直民正月廿九日

讀書眼增明覓句興不竭燒香幽齋冷揮毫白州突
 酌酒陽生皮煮茶烟透瑛彈琴滴暗泉聽笛達銀闕

扶竹平安否問梅無恙日摘菜動甲芽燒葉雜梢拙
看山影有無步月跡凹凸觀瀑機織綃掃逕鞋埋韞
歸僧破衲濕返樵瘦筇滑見妓把綳袂待客遂素謁
聞鶯焦婆餅放鶴曝翁髮釣魚冰漸又跨驢橋獨子
捲簾皆玉成泛舟不黑窄圍棋子散鬣洗硯手探窟
歌枕水湊衾對燈照無埽雪後三十題吟了清徹骨
絕勝一日花加陪三五月千文添四百頃刻亦貽麻

我鳥峰先生林學士詩集卷第百終

我鳥峰先生林學士詩集卷第百一

東明集十六 延寶二年二月
至同年八月

甲寅仲春仲丁釋菜賦草木文章

無邊韶色有誰描草木重華錦繡飄衣被昭面文命
化春山處處自繇條

又賦同題

織紅敷錦似望雲草木精神自郁芬物色生生區以
別譬諸游夏細論文

釋菜後宴賦語燕窺視

燕字日長書案前呢喃如語舊時綠烏衣染著墨渚
去上下差池玄又玄

二月中旬感休亭卽事

晴景無邊一段奇仰看林靄俯臨池雲霞映水浮紅
影莫厭餘寒花稍遲

寸山

岡半庵名其子曰寸山作之說而請余一語乃賦
絕句以投之

寸堆至小雀微躬聞說爲山始篋功漸漸養成期積

大丁寧慈父訓童蒙

悼石習

藝陽書生石習從學十一年進則執草藁之筆滴
口授之點退則向螢雪之牕誦倭唐之書其名聞
於邦君遇加祿之幸其前程有期焉癸丑之冬罹
病治療無效甲寅仲春中旬歸泉不堪憐愍之至
賦挽詩一章依其遺言也

一葦東來千里程忍岡春暖學苗萌史編七載陪從
久人鑑百條鈔纂成漢魏叢書淋露滴源滕草子感

時榮江湖燈滅短宵夢唯聽空牕夜雨聲

和此君亭倭歌末字

尾陽士人石原重富有愛竹之癖扁其亭曰此君其所愛所名皆倭古也詠倭歌述其志可謂閑雅也今春寓居東武依竹示其歌以求賡載雖未知其人然不能拒於者之言漫題如左

脩竹千竿擁小色清風細細翠陰斜一亭不見俗塵至唯喜此君常在家

東坡借竹圖 鈴木修理求賢

脩竹風清拂俗塵東坡居士寄斯身烏巾竹立利攸往谷有簪篋管軒綠筠

花契還年詩 弁序

古曰人生百歲七十者稀七十猶然况於八十九士哉坂嘉之父山庵翁今茲八十八歲世諺所謂米年是也曾聞其語今見其人可謂稀而又稀者也烏乎其齒老及不荒不怠低吉收腰晞朱貫髮眠食不衰眼明運筆固是最稀者也嘉之齡既踰五旬遇稀世之慶得無疆之樂其悅不亦宜乎想

夫以今日健強推測其未來則加甲子之一周保
 滿百之上壽令嘉之登世絲之堂翻老萊之衣乎
 維春之仲月之李嘉之設宴修賀儀招余為客於
 是以花契還年為題以添雅興因叙其事頌之祝
 之其詩曰

蜂蝶繞園來往頻紅紅白白幾多春人尋花約自依
 舊花契人心更發新番信風和鶯喚友萬年枝靜雀
 為賓靈椿在砌本根固引得遐齡能養神

同席聯句六十韻成後會者十四人分探觀相

觀瞰屬者觀覽觀瞻觀視瞻見十四字為詩脚
 續山菴翁倭歌之尾余得觀字歌未見字也故探同訓字如此
 年年愛花無憂患養老快意春日晏舜紫重華壽域
 開彼亦何人問成觀

日浴咸池圖

峒夷初出浴咸池杲杲麗天若木枝宇宙洪荒滄海
 外一輪同軌照無私

太公垂釣圖

磯頭何日遇文王榮達從來非所望意釣空鉤閑坐

了得魚不得共相忘

送塾生谷成歸省讚浦

陸則揚鞭水則篙三年在塾試陶毛吟殘武野千般
草歸見高松萬頃濤

三月八日良塾見祖鞭櫻

群櫻逐次日榮敷早見祖鞭開一株應是春王促遊
幸花如勝六擬前驅

島津久通自薩州寄歲旦詩至季春達江府感
其不忘舊好且嘆老年猶有雅志嗣其韻以遙

投風潮來詩寓年月日寅三合之趣故和亦及

此

久要依然歲歲新清時四海一家仁東西千里莫言
遠三虎同符共遇春

花前自叙

志學加三遊這邊每春吟咏幾多篇我知花與花知
我坐了香風四十年

花下漫言用高安成韻

錦繡滿枝經緯文岡頭櫻發吐芳薰花顏不似我顏

老羞然白莖望白雲

三月十三日花下春遊二十五韻呈藤勿齋

群櫻爛熳忍岡地有客偶自芝園至芝園元是景境
佳遙路尋芳豈無意引風迎客蝶躬輦入門通信鳥
爲使先指壇邊十株開數准四科賢哲位瓊樓玉宇
煥文章小白片片粉米累程雪逐暖對春風公挾坐
了游揚侍四朵紛如比商皓感時喜無暴秦避鴉毛
千里多方散鷺洲二水連雲倚樹頭如雪吳笠擊士
嶺素羅亦不異藍田生光玉落袖鍾山分種香透鼻

抽羣最先祖生鞭甲第秀才誰不冀遲開爲殿孟之
反太器晚成可取譬皆是岡主所新號不做世俗呼
名字此岡此花殆百品言之長也今姑置聞說賞花
喻美人任他一笑生百媚不羨世間遊冶卽杯盤狼
藉歌舞醉客有三十餘年交讀書對花互知已時是暮
春共傍花臨池景慕浴沂志幸逢太平無爲化堯舜
氣象亦可觀我言自無隱乎客試欲開口客須記滿
岡花是先人栽花存人去露滴淚良熟新掛櫻峰扁
羅浮一拳欲望跋遺愛匪啻滿岡花家藏經史花千

筇意足莫嫌陋巷，貪錦繡繞我丘園。貴良辰美景，二難并我，挹雲袂，客扣轡。

披書坐花 三月十五日野節席

書帷高捲小牕中，群萼相輝春色濃。典閣九兮花落，席堯紅舜紫一簾風。

同席聯句滿百夜闌，將歸主人作絕句留之。押韻頗難，唇邊強和之。二首。

七碗談闌菜丈瀛，餘寒微暖我衣更。對花吟月夜須守，不限支干申與庚。

秀才期望到唐瀛，替古力衰羨五更。為有主人安老意，身橫臥榻貌庚庚。

又用前韻待賡載

不求仙侶遠遊瀛，文字舊交無變更。三日春風花有約，丁寧鶯語既先庚。

震篔軒口號 三月十六日作 震篔伯庸軒號

軒在東台東坂下，震篔風細卜幽棲。門前苔厚少尋訪，窗外林深多詠題。子姪先行天近午，乃公後至日傾西。櫻花皜夜勝明李，朧月黃昏路不迷。

昭君對鏡圖

萬里離家出帝寰，穹廬猶是整雲鬟。欲開明鏡省容色，漠漠胡塵不照顏。

董奉杏林圖 儂有虎

寂寂仙居禽獸馴，花開實盛幾多春。園林好是莫偷香，虎不傷人却有仁。

陶淵明贊

彭澤歸來三逕行，高哉清矣老淵明。卯金禮樂亦遮莫，菊有_二色兮松有_一聲。

落花

開則悅人零惱人，滿岡花作滿庭塵。枝頭昨夜玉龍戰，樹底今朝拾敗鱗。

殘花

開落一旬千樹櫻，二株纔見著殘英。程門雪解游楊去，晚弟花存尹彥明。

三復從園中之行呈落花絕句因其求次韻示之

散亂隨風片片斜，半交塵土半連霞。殘鶯有語要須

聽温故知新來歲花

菜花

追隨蜂蝶繞疎色昨日櫻花今菜花思在這般黃世
界那邊紅白競豪奢

首夏口號示村顧言

雨霽奇峰望岫雲園禽鳴度向斜曛知不陽德享嘉
會新葉餘花自作文

又錯雜前韻二首以示之

侍坐岡翁讀史文云云如涌似連雲人望歸鳥雖飛

倦長日既消將夕曛

近午來前漸到曛尋常談笑又論文白衣蒼狗變天
象世態須臾匹似雲

聞賀璋移家附顧言以寄一絕

元是文房一侍生移家養母竭微誠簣功亦願曾
古術業不須安小成

綠葉成陰四月十日佐慶席

如帷如蓋葉萋萋雲繞露垂陽德伸偏愛亭嘉自宜
夏絕勝嬌豔特誇春公權聯句陰分惠張杖着心園

可人萬木千章青只麼日新榮茂好成隣

松林讀書

同席探題

蓋世高才書滿籬對林讀破大名鳴韓公遺韻松風
遠賡載蘇仙十里聲

遊松備收河邊亭子口占四韻

四月十五日

幽莊夏淺一佳境雲際吹晴主領遙廣苑掃塵嘉木
秀小舩投網活鱗跳爭奇遠近二十景利涉將迎兩
園橋長水假山分左右郭熙至此亦難描

逍遙園賦芍藥

四月十八日

殿春花綽約亞匹牡丹叢蝶輦送王者蜂衙留相公
月痕當晝白日影落堦紅雙照連城壁列張千朵釵
欲將妃醉此又與屈醒同面可摸稜手淡濃一苑中

送原清歸參州吉田鄉

并引

市原良清在塾四年頗有進步之効頃聞眠食不
常主君憐之令彼赴吉田鄉隨心保養而以秋初
爲歸期想夫鄉親相見愉色倍樂則疾之愈不費
日者必矣咨汝在鄉之間無忘其所能而早歸知
其所未有則補累月筆硯之闕乎絕句一章換首

人送行之言

行尋杜若在芳洲親戚歡迎雲水遊蜀魄聲聲送長
日歸者武野月明秋參河國杜若者吾邦之常談今暫假用之

張良贊

天授協心從沛公運籌決勝漢家功秦強楚霸豈無
敵婦貌雖柔坐帳中

白鷹圖

歛翼夾雲兒金眸白雲姿望中無覓鳥巖際未逢師

鷹攫雉圖

俊鷹豈寇讎捉攫野雞頭不有酒君臂何爲逢此憂

隼搏鷺圖

落水鷺奪魄摩雲隼振翮憐生破雪衣雄勢捷雷聲

右三首與州士人依賀璋請之

端午口號

安不忌危祝太平紙旗木曾市街棚生來五十七端
午五八年周任武城余十七歲之冬自京移江府至
今茲四十年東坡詩日却數七

端午今加五
十少爲詩料

見西湖十景圖分題賦其四貢憲各
賦三首

蘇堤春曉

蘇公曾所經人傑地尤靈星落曙雲白湖開堤柳青
柳浪聞鶯

新青移水光鶯初鳥飛揚柳色浪同色一條界破黃

三潭印月

三塔潭於叔影擬火筆引湖鏡畫圖開月柳文章印

斷橋殘雪

仲俯玉莖坤柳風橋雪翻孤山雖斷路殘影返梅魂

涼松健人 五月十三日 伴綱席

解愠風來心快然採花松下欲延年清陰洗暑青昉
灑一味露涼肌骨堅

雨後杜鵑 同席

帶雨籠雲啼子規涼風飛過與晴期露恩不有漂流
患正是鶯巢養卵時

林和靖贊

梅妻鶴子結驪盟想像西湖處士情玉色縞衣同類
聚高標添得一般清

楠正成贊

進退知時戰策全元弘建武智謀傳望旌閭氏備忠
勇菊水自清南木堅

權施竹圖

青花綠葉倚疎篁帶露垂垂自淡粧唯寫朝開未
暮暫榮却借一竿長

顏子贊

永井甲斐守求之

終日從師言不違如斯人在聖門稀白紛短欠噫天
命充國贈榮長有輝

第二孫男生而七日當中元口占一絕

中元添喜各團圓新誕孫男快眼看自笑家儲洗錢
之前池水淨換銀盤

登秋淡牧樓

八月九日

境佳秋日遊晚興坐淹留鳥戾半天際舟過長水流
凹池幽路隔兩岸茂林浮待月忘歸計風高數尺樓
自吳脇坂安親者四十年舊識也陪故淡君久在信
武陽頃年從今中書君移播州今年來江府一夕
訪余語舊示途中所詠明石富士倭歌二首其
不忘故態而存雅志者可嘉可感乃摘其末字

為唐詩韻寄之以表舊盟不渝云

明石城高臨水灣浦邊霧霽小孱顏環洲四面悉皆
海如薺如萍淡路山

自是桑城高無雙東顧西望共奇絕昔為青年今白
頭髮絲移影富士雪

燕啄蓮實圖

蓮落荷敗藕僅存燕子來啄猶安處戲向秋風說與
渠社日既近盍歸去

富士山圖 下有海

覆壓東溟接碧天雲橫腰底雪盈顛至高至大無應
比群嶺如拳不及肩

王昭君入胡圖

騎馬玉顏新畫土何誤真首看官闕月今犯漢沙塵
引恨四弦手惱情萬里身傳言故村柳漫莫做吾輩

蜀劉備像贊

著赤衣畫雲龍

呂表雖倒奈曹孫割據西南皇位尊雲絲龍章真帝
曹遺容尚赤漢乾坤

中秋陰在芝園作

一年良夜半天陰期霽雅筵絃有音雨後梧桐餘滴
濕月明未肯到天心

同夕賦海邊無月西風自是吹雲去
涿涿不晴頻俯仰廣寒宮闕浪無痕銀河却似黃河
濁綠水如同黑水昏積雨空濛漲潮汐漠雲黯淡隔
乾坤書樓願借神風力吹霧欣迎月讀尊

我鳥峰先生林學士詩集卷第一百一終

我鳥峰先生林學士詩集卷第一百一終

東明集十七

延寶二年九月
至同年十二月

延寶甲寅九月六日直民詩講終篇一經周覽
猶不容易况累年重席學習思繹之功不亦難
乎欣林之餘示排律一篇云爾

聖人刪後詩家解朱傳集成經緯貫註疏兼并毛鄭
孔異同參考魯齊韓王風既降變風起太雅無正
雅殘或勸或懲分黜陟有言有感發嗟嘆蟲魚鳥獸
名多識草木山川各自觀三百篇篇君子作縱雖李

香林詩集 卷之二

杜不登壇

延寶甲寅之秋島津久胤來談拜先聖殿賦
其絕句一章表恭敬之心往年其父久通曾成拜
至人趨之禮今效其儀且添雅趣不亦善乎余移居
忍岡以來門前剝啄雖不少欲拜殿者幾希然
常在薩州之遠偶至於斯而其景仰如此可謂
父子同情前後一揆也余豈可緘口哉乃賡載
東其韻響云爾
偶然來自海西邊恭敬心侔幣帛懸東道僅移東望

跡洙源雖遠一丈傳

九月十三夜再遊芝園不見月賦即興六韻

半秋過至季臨水再遊觀前度既藏王今宵未掛盤
雲浮天桂暗霜肅晚楓丹佇立標婁宿步吟俯海瀾
菽兼蒸栗熟菊有落英餐聽雨却添興待晴猶倚欄
式三秋江晚釣 同席
蘆荻洲深魚未跳垂鈎水底暫逍遙秋風波動涵斜
日浴汝雖潛亦孔昭

淵明流鱖圖

香林詩集

卷之二

三

歸來意趣見於詞猶慕前朝記義熙園裏遊觀策杖
老卯金天下未曾知

松菊同幅 與淵明二幅一對

先生高尚松相似清操亦宜把菊此人歸三徑松菊
存善哉遺愛良有以

竹林七賢圖

誓阮山劉齡既老在中猶弱威秀我七人為客竹為
主吹起林間一樣風

送賀郎之若耶

復指若耶辭忍岡水雲三度客情長琵琶湖須把鑑湖

比台嶠風烟送賀郎 北嶽山琵琶湖
接若州故云爾

畫水月二字後六言

水浸月月浮水掬入手標揚指俯臨雙玉分影仰看
一輪印軌

姻族勝之昌宿痾不起八月十五日遂永訣其
為人也敦厚和直事母有孝接人以禮故聞訃
者無不惜之逐日逾月追懷不止其母悲慕言
之不盡筆亦難述一日不見如三秋今况於隔

幽明哉絕句一章為涕之從
架頭寂寞掛殘衣母氏吞聲失所依欲向蟾宮求秘
藥秋雲渡路不長歸

十噫詩 并引

義鞭掣電蟾輪下坂秋仲過季冬孟逾半仲龍沒
後既及六旬其精勤竭勞亦為烏有可痛可惜非
去者日踈之謂作十噫詩以寄姪憲而叙追憶
噫仲龍今可以想像維昔喪君護孤輔養鐵石之心
不動不枉十有餘年幼主成長

噫仲龍今可以感歎讀耕遺稿自寫自纂文也詩也
卷帙若干活字印行傳世不刊

噫仲龍今可以咨詢內外辨事細大不綸或出或入
一屈一伸勞而不倦人百汝身

噫仲龍今可以永言雲霞之曙雪月之昏晤伊燈淡
快談露蕃塾少一人辨香返魂

噫仲龍今可以憐惜書身字方正能辨筆畫華箋幾葉
長板數尺南墩之賦遺墨觀跡

噫仲龍今可以不忘春秋釋菜侍立 聖堂跪捧幣

昂謹盛テ稍ル梁祝ラ文高ク唱餘響フ滿岡

噫仲龍今可以遺ス簞ヲ世說選詩旁訓功成健筆如走

短檠以擊テ行行ク點點ニ半夜鐘鳴

噫仲龍今可以擗ス肩ヲ孟子諺解奮起勇ム為志力未遂

過半猶貽ル為汝ニ濺リ淚ヲ墨痕淋漓

噫仲龍今可以增ス悲ヲ家有孤兒ニ憑誰カニ禦寒

憑誰救飢ヲ盜假汝年ヲ天道無知

噫仲龍今舊恩報酬ニ死生有命ニ奈短與テ俗ヲ七秩之半

匹下如ス蜉蝣ニ聞テ訃ヲ皆惜ム人去リ名留

老子乘車贊

仙遊避世ヲ出關門ヲ牛背車ヲ不懸テ轅心ヲ託テ虛無ニ無レ閉

口說來ニ道德ヲ五千言

慈童

童子臨テ潭ヲ汲リ菊泉ヲ養成テ軀ヲ壽ヲ自然ニ堅テ延年ヲ金盞銀臺

露卽チ是ニ神仙ノ八百ノ錢

蓮燕

蓮ハ在水塘ニ開キ燕ハ於風外ニ閃リ銜テ泥ヲ幾ク頰ニ頑ク花ハ不レ為ニ渠ヲ染

八八鳥

一枝一鳥孤名入伏羲圖汝若導神武呼為八咫鳥

山水 有樓有月有舟

怪巖繞水隈孤月落樓臺人倚小窓坐舟望前岸來

右五首畫賚生馬氏為或人請之

十月二十五日遊青白園賦松間殘葉待麟字

此境非皆醉半醒不失真楓殘雖滿地松老欲回春
葉似丹忠挺枝如清節新寒庭誰設色蘇武煥麒麟

賀林檎病愈十一月三日

雪映富山麓窓聽文史讀病隨陰氣除欣遇一陽復

中央詩 銅島信濃守求之

五行互運黃為土德正而無間中央之色不偏不倚

四方取則非東非西自南自北測景嵩高營都洛食

坤裳通理地圖開域

寒蝶知梅着題 嘉平學坂亭席

氷肌玉骨自天土躬輦紛飛衝朔風曉夢路迷劍凍

合射山雪霽暗香通

年矢早催十二月十八日 藤勿齋席

三百六旬六瞥然日日移可侔隙駛欲逐電鞭馳

設塚無游藪，離弦不去皮。生涯一彈指，逝者自如斯。

同席賦一絕擬尚齒

交際不渝修舊緣，儒醫俊士一同筵。九人四百二十歲，老壯檀欒近半千。

高永竹六十七源，良繩六十三，林學士五十七，丰人勿齋五十四，源基玄三十八，野節三十八，安季久三十六，狛庸三十，六林整宇三十一。

雪

鷺鵝失色噪西籬，凹處埋分凸處重。玉不堅牢唯曰

白，憑誰論問起孫龍。十二月二十三日

雪團

非龍非鳳小團殘，展帳高撐白玉盤。鵬毳鴛毛凝不散，堆堆顆顆飯如搏。殘一作寒

溪月石詩

席上珍具盆石奇，中間點白一團姿。譬諸巖溪生明月，溪有印痕無水皮。潺湲響絕影常現，不昧不消盈不虧。何分弦望與晦朔，早晚光霽齊且四。時免精出窟，無基蝕不有臨水捉影彌。嗚呼溪月須乘興，追尋子猷訪戴逵。嗚呼溪月堪快笑，想像陶陸會遠師。試使

武夫對此石喚起礮溪垂釣絲若使儒者仰此月景
慕濂溪周敦頤島原城主請名石弘文學士作之詩
鍾馗贊
唐朝進士化為神報謝皇恩護太真小鬼潛蹤除祟
去馬鬼何不倩斯人

蘇武持節圖

南直為遠人求之


身在胡塵沙漠邊忠心唯夢漢山川茂陵松栢兩添
淚十九年來一節全

鵬晦口占

予有一能纔貴身富書不敢愧家貧孤燈替晝送年
去閑見利奔名走人

同日遣懷

身情任運然吟髭無遇時分無忤時不餒不寒千石
祿箕裘有子愛孫兒



我鷲峰先生林學士詩集卷第百二

終

Faint vertical text, likely bleed-through from the reverse side of the page.

